

LEGATIO
PERILLUSTRIS
DN. CHRISTOPHORI PRZIEMSKI,
Cubicularii Regis Polonia,
ad REGEM Sveciae
exposita & peracta COLO^{18.}_{18.} Augusti anno MDC LV.



Har. H. Buchowskiego N^o 1700.

Serenissime Rex, Domine Clementissime.

Mirari satis non potuit Serenissimus Rex ac Dominus meus clementissimus JOHANNES CASIMIRUS cum Senatu suo, accepto primo nuncio, intrasse exercitum R^a. M^{is}. T^a. Duce VVirtenbergio fines Regni sui. Tum vero stupere etiam magis cepit, cum personam R^a. M^{is}. T^a. alio exercitu stipatam advenisse intellexisset. Me igitur tam Serenissimus Rex meus, quam etiam Senatus ad Tuam M^{em}. delegare valuerunt, ut tantum scire possimus, quovis ille sit affectus & animi impetus, qui M^{em}. Tuam eousque impulerit. Vehementem enim esse oportet, qui nullis hucusque mediis, non de pace tractatibus, non legationibus in Sveciam missis, non sanis pactorum & induciarum vinculis cohiberi potuit. Ad iram & indignationem non satis cause videmus. Quod enim tantum facinus vel Rex noster vel Resp. commiserunt, ut tam severa ultione illud vindicare M^{as}. Tua in animum induxerit. Nos, Deo teste, nihil tale scimus. Inducias semel factas semper sanctissime coluimus. Svecis in Germania bellum gerentibus, & rebus nostris pace tum florentibus, licet multoties in societatem belli contra ipsos invitaremur, nunquam publice nocere voluimus: antiquior enim nobis fuit fides semper, quam utilitas. Quod si privati aliqui hostium rebus favebant, multi etiam fuerunt, qui Svecis operam suam navarunt: tot Borussi, Livones, Curlandi, Regni Polonie subditi, tum & ipsi Poloni, probati nominis, in vestris castris militarunt. Testis est vel frater meus germanus Sigismundus Przimski, bene M^{is}. T^a. notus, & jam tristi hoc bello nostro à Barbaris nuper extinctus; vel ego ipse, qui non tantum sub signis GUSTAVI illius MAGNI, Arunculi M^{is}. T^a, tyrocinia mea exercui, sed etiam non ita pridem Gallie Regi, Sveco federato, non contemnendam Polonorum manum ad expugnandum Dünkerkum adduxi, nec inanem, ut credo, per biennium operam præstiti. Cancellarie

etiam



177641

I 6

etiam errores, vel alia minutiora, non tanta fuerunt, ut armis
vindicare deberent. Est igitur aliquid aliud. Dicerem, esse cu-
piditatem divitiarum; sed scimus, hoc animi vitium longè à natu-
ra M^{is}. Tuae abesse: & ex Regno tam misero, lacero & de vasta-
to quid jam amplius extorq̄beri potest? Obtennum est, ex quo
Regnum hoc bellis, & quidem atrocissimis, affligitur; & quot
anni, tot vere clades, atq; exercitus, vel cessi, vel dissipati, totq; ite-
rum reparati. Quae tandem est imperium, quod tantis calami-
tatibus non succumberet? Quales thesauri, qui non extenueren-
tur? Intraisti, Rex potentissime, provinciam vicinior, majo-
rem scil. hanc Poloniam, & civitates, ut ab incommodis belli re-
motiores, ita etiã feliciores. Considera miserorum hominum pau-
periem, & inde de aliis locis, qui propius malo siti fuerunt, vel in
quibus bellum geritur, judica, quantum opere exercitus ex illis dita-
buntur. Nullae hic urbes opulenta, non mercatores divites, non
auri vel argenti fodinae. Divitiae nostrae annui fructus sunt ex
pecore & campis: quae omnia si ab exercitibus tam M^{is}. Tuae, quã
nostris, consumantur, agricultura cessabit. Nec ullae unquã con-
tributiones sperandae, imo metuendum, ne nobis & exercitibus tuis
fame sit pereundum. Si igitur nec satis causae ad iram, nec
multum incitamentorum ad cupiditatem M^{is}. Tuae habeat, suspi-
cari cogimur, M^{em}. Tuam alius stimulis adductam, ut nobis bel-
lum inferret: Famã nempe & gloriã, verusimilis humani ingenii
oblectamentis. Sed quae haec gloria? Dum nos cum hostibus im-
manissimis pro salute & vita decertamus, Tu, Rex Potentissi-
me, nos etiã armis occupas. Si gloriam vis veram, non vanam
quære: vera autem erit, si aliena non appetens suũ cuiq; tribuas.
Rumor est apud nos, velle Te protegere Poloniam. Si hoc est,
protegas gentem contra hostes immanissimos: Populo libero li-
bertatem non adimas: Regi legitime à nobis electo & Tibi san-
guine juncto Regnum serves. Tunc verò Te non pro Protectore,
sed etiam Benefactore habebimus, & Conservatori nostro Tibi
tro-

trophæum erigemus. Majorem inde consequeris gloriam, quam
si maxima Regna tuo amplissimo adjicias Regno. Sed si Regnum
hoc vi & armis M^{tu}. Tua in animum induxis occupare, putatne,
hoc firmum fore imperium, & Sveciæ jungi posse Poloniam?
Disjunctissima sunt hæc Regna: divisit natura mari: dissocia-
vi constitutio imperii & religio: discrepant legibus, moribus,
habitu, lingua: in nulla re sibi hi populi sunt similes, nisi fero-
ciâ, discordiarum omnium fomite. Vix igitur partum imperium
bonis artibus administrari posse, M^{tu}. Tua non speret, sed semper
ad secures & supplicia recurrendum erit. Quæ verò hæc glo-
ria, ex Principe benigno & clementi mutari in crudelem & tru-
culentum Dominum? Aliam ergo, Magnanime Princeps, in-
gredere viam, & nobis parce. Pacem jam petimus, depreca-
mur bellum, & quid à nobis M^{tu}. Tua postulet, ut aperiat, ro-
gamus: Nos M^{tu}. Tuæ in omnibus satisfacere satagemus. Gra-
dum tantum sistat, cum armis ulterius non progrediatur, & de
pace toties oblata nobiscum tractare non dedignetur.